

# INUIT ATAQATIGIIT INATSISARTUNI



10. Februar 2026

UPA2026/141

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

**Immap naqqani aatsitassarsiortoqannginnissaa siunertaralugu Naalakkersuisut inatsisilioqqullugit Inatsisartut alajangiiffigisassaattut siunnersuut.**

(Inatsisartunut ilaasortaq, Pipaluk Lynge, Inuit Ataqatigiit)

## **Tunngavilersuut:**

Ukiuni kingullerni takuarput Norskit immap naqqani, ilaatigut nunatta kangiatungaata imartaanni, aatsitassarsiornialikkersaartut.<sup>1</sup>

Silap pissusaa allanngoriartorpoq, siunissaq nalileruminaappoq, naluarpullu suut ataavartumik ulluinnarni piussanersut, suullu allannguutit nassataralugit, ulluinnarni sungiusimasatsinnik allanngortitsissanersut.

Nunatsinni aalisarneq piniarnerlu pingaarutilerujussuupput. Imartatta eqqissisimatinneqarnissaa takornariaassuit umiarsuit nipiliorlutik piniariarfitsinnut nunatta pissarititaanik aallertarfitsitigoornerat, innuttaasunit iluaagineqartartut ilisimavarput.

Inuit Ataqatigiinniit nunarput aatsitassarsiorfigerusupparput, avatangiisitsinnut piniagassatsinnut uatsinnullu innarliinngippat.

Imartat nunat immikkoortorta qarfiisa eriagissaneraat, nunat tamalaat inatsiseqartarput, nunatsinnilu tamanna amigaataasoq oqaatigineqarsinnaavoq.

Imartatta tunniussinnaasaat qanoq mianeritigerusuppagut?

Nunat allat aatsitassarsiorniarnierata nunatta imartaat, piniagassagullu, qanoq mianersuaalliortigitinniartigaagut, allaat killiliigata? Uagut taamatut isumaqanngilagut.

---

<sup>1</sup> <https://knr.gl/kl/nutaarsiassat/norgemi-stortingip-immami-itisuumi-aatsitassarsiortoqarsinnaalernissaanik-siunnersuut>  
<https://knr.gl/da/nyheder/norges-storting-giver-groent-lys-til-minedrift-paa-dybhavsbunden>

Immap naqqata assannerani, nerisaqatigiinnut uumassuserlu allanngorluinnarsinnaanerata misissuivigineqarpiangitsup, siunissami qanoq allanngorsinnaatiginersoq ilisimarpiaratigu, imartatsinni aatsitassarsioritserusuppugut? Tamatumunngattaaq uagut taama isumaqanngilagut.

Imaluunniit ima misileraaqataarusutsigaagut, allaat piniagassagut qimaatissinnaallugit, nerisassaminnik aallersinnaajunnaassagualuarpata, imartatsinnit qimaasissinnaajumallugit?

Silap pissusaata allanngoriartornerani, immap kissatsikkiartuinnarnerani – takussutissaareerpormi ukiut tamaasa nunarsuaq kissatsikkiartuinnartoq, uumasullu ingerlaasaat allanngoriartuinnartillugit, uagut aamma nalimmassartariaqalertussaassasugut – inooriaaserput nalimmassartuartaqassammat, aatsitassarsiorinikkut inatsisiliortilluta, siunissami ataavartumik piniagassat avatangiisaasa allanngutsaaliornersigut, imartatta eqqissisimatinneqarnissaa inatsisartunit eqqarsaatersuutigineqarpa?

Maannakkumuugallaq Nalakkersuisugut avammut nalunaartuteqarnikuupput immami itisuumi aatsitassarsiorfimmik ingerlatsinermut tunngatillugu mianersuussiniarluni unillatsiarnissaq akueralugu.<sup>2</sup>

Naak norskit imartatsinni aatsitassarsionissaraluartik kigaallatsikkunaraluaat, pisussaaffeqartariaqannginnerpugut, nunatta imartaanni aatsitassarsiorneq akuerinerlugu, eqqissisimatinniarnarluguluunniit isummersorfigissallugu, siunissaq taamak nalorninartoqartigitillugu, aaliangersaavigisagut sukatertariaqarpagut, taamaattumillu inatsisiliornissamik maanna siunnersuuteqarpunga.

### **Pisortanut aningaasatigut allaffissornikkullu kingunerisassai:**

Siunnersuut akuerineqarpat aningaasatigut allaffissornikkullu kingunerisassai A/C fuldmæftigip ukiumut akissarsiaanik 500.000 kr.-inik naleqassasoq naatsorsuutigineqarpoq.

### **Namminersortunut aningaasaatigut allaffissornikkullu kingunerisassai:**

### **Innuttaasunut aningaasatigut allaffissornikkullu kingunerisassai:**

---

<sup>2</sup> [https://naalakkersuisut.gl/Nyheder/2024/03/1303\\_dybhavsminedrift?sc\\_lang=kl-GL](https://naalakkersuisut.gl/Nyheder/2024/03/1303_dybhavsminedrift?sc_lang=kl-GL)  
[https://naalakkersuisut.gl/Nyheder/2024/03/1303\\_dybhavsminedrift?sc\\_lang=da](https://naalakkersuisut.gl/Nyheder/2024/03/1303_dybhavsminedrift?sc_lang=da)